

Bisha mbeti nœ Yowane Tshatshu o'o

Asœke kœdœe bisha mbetinœ á azu gbe ndje adœke Yowane dá su. Tshe sú fœ yashe á Ndjaba ke she œdœe agbolo nœ ye: azu gbe adœke mbetinœ na ga ndœe ikrizia lakpi œdœe azu á endje sœ kœngbœtœ endje kpœtœe oshonœ bale. Tshe sœ kœmindœe nœ fœ endje adœke, œ li dœe endje kœyindœtœe endje ugurutœe endje. Tshe kpa pa fœ endje adœke endje ka ngbiri lœ kœyindœœe nœ endje yé ala endje gbœ dœe azu á endje sœ kœyisœe œœe á sœe kpi tœe Œtshœ O'o.

Mbetinœ kurutshelœtœe ye atake:

- Tshatshu o'o (1-3)
- O'o tœe upu nœe kœyindœesho (4-6)
- Gbœdjela tœe upu nœe aayi kœyisœœœe dœe wala (7-11)
- Abala (12-13)

Abala

¹ Œmœe dœe Gbozu Ikrizia dá su mbeti nœe asœe fœe Yashe* á Ndjaba ke she œdœe pe fœe agbolof† nœe ye á mœe yindœe endje tœpanœe kpuru lœe adja o'o. Œe dœe kolœe mœe kuti mœe dá yindœe 'e nene, kashe œmœe œdœe ndje pe endjeneke kœ á endje wusœe adja o'o.

² Gbambanœe nene, œ li adœeke adja o'o sœe ugurutœe azœe, yé œe sœe dœe azœe bala waa dœe waa.

* **1.1** Yashe: Anga ádá nœe Yashe kœdœe ndje «Ikrizia». † **1.1** agbolo: Anga ádá nœe agbolo kœdœe ndje «Ayindœe Yisu».

³ Kaka Aba azœ dœ Ndjaba œdœ Gbolo nœ ye dœ Yisu Kristu ma ɔtshɔ lɔsu nœ endje fœ azœ, œ wu oyo azœ yé œ za kœsœ gee fœ azœ, adœke a sœ lœ adja o'o œdœ pe lœ kœyindœsho.

Adja o'o œdœ pe kœyindœsho

⁴ Mœ sœ lima dœ yanga tɔpanœ kpuru kœwu adœke anga agbolo nœ sœ kœna lœ awa adja o'o, ɓata á Aba mi lima ndœ nœ adœke a mbœrœ.

⁵ Yé ngɔngɔ asœke, Yashe, œneke á mœ mindœ nœ fœ ɓœ dœke: a yindœtœ azœ dœ anga azœ. Œ dœdœ tafo awa akwa dá mœ su fœ ɓœ nene, kashe œtœnœ kœdœ œneke á a wusœ nœ utshunœ lima katshatsha.

⁶ Kœyindœsho kœdœ kœmbœrœtœ azœ liaka awa akwa nœ Ndjaba. Yé awa akwa á endje yisœ nœ fœ 'e lima katshatsha utshunœ kœdœ adœke 'e sœ lœ kœyindœsho.

⁷ Gbambanœ nene, ayingba Kristu gu ngbakaka pa ɔshɔ. Yé endje tshapu kœyindœ nœ adœke Yisu Kristu kœdœ adja uzu. Kpœtœ oshonœ asœmœ dá a wusœ ayi afara, á tshe kœdœ ayingba Kristu.

⁸ Ala 'e gbɔ mbœrœ adœke akwa á a mbœrœ ugurutœ 'e kœtshutshu nene kashe 'e gbɔ œrœ tshangbanœ á li dœ 'e.

⁹ Uzu á tshe kœyiyindœ kœgbɔndœ œrœ á Kristu yisœ nœ ga tœ lɔsu ye nene á drapa nœ, tshe sœsœ dœ lɔsu bale ga ndœ Ndjaba nene. Kashe uzu á tshe gbɔndœ kœyisœrœnœ ga tœ lɔsu ye, tshe sœ dœ lɔsu bale ga tœ Aba ndje dœ Gbolo nœ ye.

¹⁰ Œ kœsœ adœke anga uzu na ga ndœ 'e, á kœyisœ angbi œrœ á dœdœ œneke á Kristu yisœ nœ nene, adja 'e zaza osho kœsœ fœ she nene yé 'e babala ndje she nene.

¹¹ Gbambance nene, uzu á tshe bala she, sœ kœngbɔtœ ye dœ she lœ ekperœ nœ ye á tshe mbœercœ asœmœ.

¹² Mœ sœ dœ o'o ndjoro kœsu fœ 'e, kashe mœ yiyindœ kœsu tœncœ ga pa kako mbeti nene. Mœ sœ kœgbe kœna ga ndœ 'e yekane á kœpa fœ 'e dœ ama mœ á lœsu azœ para kɔkɔ kœsu dœ yanga.

¹³ Agbolo nœ Yingɔ zœ‡ á Ndjaba ke she, vwa abala nœ endje fœ ɔœ.

‡ **1.13** Agbolo nœ Yingɔ zœ: Anga ádá nœ agbolo nœ yingɔ zœ kœdœ ndje «azu tshelœ ikrizia á Yowane sœ lœncœ».

TAF0 AYO
The New Testament in the Manumanaw languieg of
Myanmar

copyright © 2020 Wycliffe Bible Translators, Inc. and ACOTBA-SUBO

Language: Manumanaw

All rights reserved.

2024-07-29

PDF generated using Haiola and XeLaTeX on 18 Apr 2025 from source files
dated 29 Jul 2024

40e3c5cb-c2ea-5cf8-8a40-4c6f77a45343